

## Bonovi za hranu (Food Stamps)

**Stanovnici države Georgia sada mogu aplicirati za bonove za hranu online putem Georgia COMPASS stranice na [www.compass.ga.gov](http://www.compass.ga.gov)!**

Program dodatne pomoći za ishranu (SNAP), također poznat kao Program bonova za hranu, u državi Georgia je program koji se financira na federalnom nivou i koji pomaže domaćinstvima s niskim primanjima da plate za troškove hrane. Domaćinstvo može biti jedna osoba koja živi sama, porodica ili pak osobe koje nisu u srodstvu a žive zajedno i obično kupuju i pripremaju obroke zajedno. Bilo ko može aplicirati za bonove za hranu. Program pomaže domaćinstvima s ograničenim primanjima i resursima.

**[Kliknite ovdje za više informacija o tome kako aplicirati za beneficije, te da saznate uvjete kvalifikovanosti.](#)**

Aplikacija se smatra podnesenom kada sadrži ime glave domaćinstva, adresu, datum i potpis glave domaćinstva ili drugog člana domaćinstva i kada je primljena u lokalnom okružnom uredu. Aplikaciju možete dostaviti Odjelu službe za djecu i porodice lično, poštom, faksom ili putem interneta.

**[Kliknite ovdje za - Formular 297 - Aplikacija za beneficije](#)**

**Nakon što podnesete aplikaciju**, službenik DFCS-a mora obaviti razgovor s vama ili članom vašeg domaćinstva. Osoba s kojom se razgovora mora biti upoznata sa situacijom u vašem domaćinstvu.

Za starije ili osobe s invaliditetom ili osobe koje imaju problem doći u naš ured, razgovor se može obaviti putem telefona, unaprijed dogovorenom kućnom posjetom, ili posjetom uredu.

Domaćinstva starijih ili osoba s invaliditetom se mogu kvalifikovati za beneficije bez obzira na iznos bruto prihoda. Da aplicirate za beneficije, kontaktirajte svoj okružni Odjel službe za djecu i porodice ili otidite na **web stranicu COMPASS-a** na [www.compass.ga.gov](http://www.compass.ga.gov).

Georgia COMPASS pruža priliku pojedincima da apliciraju za bonove za hranu putem interneta i da provjere da li se kvalifikuju za druge **DHS**-ove programe putem COMPASS-ovog sistema za određivanje podobnosti. Aplikanti koji kreiraju račun putem interneta mogu provjeriti status svoje aplikacije online. Pored toga, primatelji bonova za hranu mogu prijaviti promjene u svom domaćinstvu putem Georgia COMPASS-a. **DHS** nastoji vaše iskustvo s nama učiniti bržim, lakšim i ugodnijim! Isprobajte Georgia COMPASS danas na linku: [www.compass.ga.gov](http://www.compass.ga.gov)

## Građanska prava - Izjava o nediskriminaciji u Food Stamp programu

„U skladu s Federalnim zakonom i Pravilnikom Američkog ministarstva poljoprivrede (U.S. Department of Agriculture - USDA) ovoj ustanovi je zabranjeno da diskriminira na osnovu rasne pripadnosti, boje kože, nacionalnog porijekla, pola, dobi ili invaliditeta. Prema **Zakonu o bonovima za hranu iz 2008.** g. i pravilniku USDA, diskriminacija je također zabranjena na osnovu religijskih ili političkih uvjerenja.□

Ako želite podnijeti žalbu na diskriminaciju, možete kontaktirati USDA. Napismeno se obratite na USDA, Director, Office of Civil Rights, 1400 Independence Avenue, S.W., Washington, D.C. 20250-9411 ili nazovite (800) 795-3272 (glas) ili (202) 720-6382 (TTY).

Takođe možete uložiti žalbu na diskriminaciju ako kontaktirate DFCS Civil Rights Program, Two Peachtree Street, N.W., Suite 19-248, Atlanta, Georgia 30303 ili ako nazovete (404) 657-3735 ili faksom na (404) 463-3978.

**[Kliknite ovdje da – locirate okružni DFCS ured](#)**